





第二七七册

四庫全書

●上海古籍出版社

本冊目次

瑤石山人稿	止山	行遊	觀中	東南北山	張莊僖文	洞麓堂	具茨	詩文遺
集	集	集	集	集	集	集	集	集

明黎民表撰……………一

明丘雲霄撰……………二〇五

明張永明撰……………三〇五

明尹臺撰……………四〇一

明王立道撰……………六五三

欽定四庫全書

集部

瑤石山人稿卷二

欽定四庫全書

集部六

瑤石山人稿

別集類五明

提要

臣等謹案瑤石山人稿十六卷明黎民表撰民表字維敬從化人嘉靖甲午舉人授翰林院孔目遷吏部司務以能文用為制勅房中書後加官至參議明史文苑傳附見黃佐傳中史稱佐弟子多以行業自飭而梁有譽歐大任及民表詩名最著朱冀尊靜志居詩話謂民表詩讀之似質悶而實沉著堅韌王世貞所取續五子無愧大小雅材者僅此一人是集前有萬厯戊子陳文燭序稱民表詩老以歸話別三山曾序其詩鎮江鍾太守刻焉又稱民表已下世其子吏部郎君華哀刻此集復屬以序蓋民表詩凡再刻也其初刻今未見此刻冠以賦三首餘皆古近體詩雖錯

詳校官監察御史臣曹坦

中書臣劉源溥覆勘

總校官編修臣王燕緒

校對官中書臣陳木

膳錄監生臣羅俊

欽定四庫全書

瑤石山人稿

采鏤金而風骨典重無綺靡塗飾之習蓋與
太倉歷下同源而派則稍異焉故雖與王道
行石星未多烽趙用賢同列為續五子而終
非四人所可及焉乾隆四十六年閏五月恭
校上

總纂官 臣 紀昀 陸錫熊 孫士毅
總校官 臣 陸 費 樞

欽定四庫全書

瑤石山人稿

瑤石山人稿序

嘉隆之際黎惟敬在秘書以著作供奉稱上意公卿憐
才者往往推轂惟敬漢儒待詔金馬門持論白虎觀不
是過也時與歷下東吳興國長興銅梁新蔡赫然號海
內才子而惟敬晚交不佞在諸君子去國之後惟敬請
老以歸話別三山余曾序其詩鎮江鍾太守刻焉大都
謂惟敬與諸君子章昭代風雅之盛惟敬覽之報書曰
往文徵仲以集相託也今尚負之異時全集序在吾子

欽定四庫全書

瑤石山人稿

乎惟敬下世長公君華以吏部郎出叅江藩梓瑤石先
生集復屬以序且曰先大夫之意也余卒業焉先生品
流書畫徵仲之後一人耳乃問學文詩徵仲何可望焉
先生少有異質過目成誦其父侍御公愛之甚學士黃
才伯以文名雄宇內見先生奇之先生遂及其門無書
不讀後詣公車優游中祕與諸君子倡和無虛日金匱
石室之藏寒士未見者先生得以游目深山窮谷之碑
達人未窺者先生取以賞心故駿發而機應覃思而意

弘應制之作敏速若注射而骫骳有體書記之文蒼古

若鼎彝而朗暢易曉賦不衍而麗子洲太冲之遺也古

詩不雕而藻子建景陽之遺也歌行恢張而潤達夫嘉

州之遺也七律冲澹而遠應物隨州之遺也五言清而

逸排律整而潔浩然佳期之遺也菰林得先生猶麟羽

有龍鳳音樂有琴瑟矣瓊山博奧鐵橋萬古皆南海之

奇也黃才伯與先生起而承之受授一道得其精華黃

若大河而先生則砥柱之高峻也黃若長江而先生則

中冷之清絕也至廉介易親孝友好施粵中後起之士

皆先生倡之即茲編也天壤俱敝安知後世不有相知

定先生之言者乎不佞辱彥升筆削之託抱伯牙絕絃

之感固道其概焉君華博雅好脩有父風萬厯戊子秋

日五岳山人河陳文燭玉叔序

欽定四庫全書

瓊石山人稿

欽定四庫全書

瓊石山人稿卷一

明黎民表撰

賦

粵王臺賦

白露既零玄霜始積草木凋傷山川閭寂感京臺之忘

歸登城睥睨而中惕慨然增思拊膺太息興國忘王累轍

重迹豈徒咎閭之不祀爽鳩之弗宅而已哉則有強秦

定霸勁越守偏五軍摧而弗利睢祿却而生捐囂死南

海佗據龍川占王氣於東井規閭位於瀛壖於是思華

風陋醜結袞秦餘役徒帛乘黃屋以稱雄改金墉而創

制日不重明世無兩帝思首丘於故墟挫雄心於遊說

循南面之儀講郊宮之禮恢夕室以重舉擬卽臺而增

衆埋寶夾山窅曲面勢聳連重軒霞起頽壤密石

之工井幹榮楯之麗鉛堦鉤閣之華藻稅雕崇之侈固

已窮殫海陸而炳煥萬里且其躋崇綠鈔曠望芊綿橫

欽定四庫全書

瓊石山人稿

桐象郎却頻龍編控以虎頭之阻隍以蛟人之洲迷金
樞於窮髮散若木於虞泉淒風而纖埃不起赫暑則軌
筵常捐信可以紆煩理滯而樂死忘年徒想其初春始
秋宮車以出佩玉璽與丹符戴珣與及寶瑟靡旂如虹
樹羽若日彈飛繳生掩羣射疾組練報乎天庭金石殷
乎地室欵塞洽鯁海之封舉醕霜狼禁之秋靈曜既西
散燕乃畢目贖心愉志驕氣溢謂劉項可與並驅曾蕭
曹何足為匹雖腐伏於羈縻終兇決於受紮呂雉啣則
欽定四庫全書

卷一
隕石山人稿

閨闈反距代龍興則奉書要質道之汗隆惟其順逆施
及三主溘焉遂衰嬰齊入侍樛女來歸乾侯萌於鸛鶴
驍戎興於龍萊終畢受冠纓而畫棗揚僕汎樓船而出
師三闔席捲駟介交駝石門為橈櫓之壘貪泉為雁鷺
之池烟焰焚其城郭棟柱鬱其傾敝茫茫吟域或馬生
之雖有白壁紫貝之珍翠羽明珠之賄雕題黑齒之酋
駱越蒼梧之徒曾何益於摧敗哉嗟乎乘時者先奮守
險者莫當龍洲非表裏之地鵬溟豈百二之鄉卜洛者

處其中入閨者搯其吭彼宴安於江介夫安取乎允長
然而竊國者百祀稱制者五王豈不以藩籬足以自衛
琛賁可以爭強使呂嘉悔禍而內屬南武裂地而分疆
安知不與卯金乎競爽而自底於滅亡雖天運之匪忱
亦人謀之不臧諒覆車之當戒吳高臺之怵傷哉返振
策而去曳屣歌商以舒鬱結之腸歌曰春風起兮春草
生春草歇兮秋露零英雄去兮山川在羅統盡兮臺沼
平天時有代謝人理易虧盈林光迄已毀相梁人行傾
彼蜚觸之戰鬪兮安能使余思之怛怛

欽定四庫全書

卷一
隕石山人稿

釋志賦

余遘辰之連蹇兮志竟結而不平獨超舉以遠游兮因
敦之歲余北征越谿谷之嶰岩兮汎皇流之淩兢既廓
處而去親昵兮又羈旅而無友主雖人情之同於懷土
兮獨余哀之蘊蒸溘大火之將徂兮鵲鳩感秋而先鳴
情愴愴而不釋兮心搖搖如懸旌夜漫漫而難寐兮神
霍霍而外憑衆既莫可與為語兮吾將假臆而自明覽

先民之所蹈兮咸先迓而後拔豈所過之多艱兮抑天
道之遐昧說香靡以微夢兮尚鼓刀而感璜仲伏檻以
就繁兮戚扣角而歌商中重繭以存楚兮雖拉角而危
穰泰揣摩而多金兮斯游成而被刑曰趨舍之殊域兮
亦倚伏之異門夫孰瞻智以顯榮兮夫孰幽闇而蒙患
彼焦明翔於寥廓兮鷄乃決榆枋而翩翻應龍驥首以
遊霧兮澤蛇過樂乎泥蟠余豈不能慎棲而擇木兮心
竊有以自安也始余撫荒蕪以充悵兮恐叢蒸之蕪穢

欽定四庫全書

陸石山人稿
卷一

衰懸愁以結佩兮又恐襲魚目而同匱冠雲纓之晁晁
兮影霓衣之纚纚抑蛾眉而不揚兮矧敢呈其皓齒謂
予情其不信修以好姱兮要九靈以為質靈氛揆余之
貞素兮索蔓茅為余叶妃曰女無儼媚以自喜兮持諒
直其後無悔練元辰以傲裝兮詔驚皇為之先羌中道
而止昭兮傷成言之數愆心怵怵其佗條兮非蹉跎而
不行捐修玖以陳詞兮涕波浪而霑裳覽衆芳其猶未
艾兮何直為此皇皇也俟河清之未極兮恐玄夜之降

霜宿莽瘞以日萎兮草木蕭瑟而晁黃余固知鑿枘之
鉅鎔兮精專專而不能忘睇靈瑣以徘徊兮邪氣壯而
內攻世方嗷嗷以競進兮何獨守困窮也抱龜玉而自
銜兮又士之執行也退脩吾之初服兮思徘徊乎故宇
被荷綢之容裔兮蔭桂旗而輕舉予誠不能變心而易
累兮又豈貪婪而妄食諒不仇於今之人兮又何裒此
休惕撫年歲其猶未暮兮及余行之不迷肆墳索以自
娛兮獵道德以忘疲企泰階之一平兮願戰翼而俟時
雖離違之可念兮又安用坎廝而長悲亂曰結精遠遊
獨戰羈兮覽古鏡則恨多違兮抑志恐尤自保持兮淪
神道域其庶幾兮

欽定四庫全書

陸石山人稿
卷一

雙節賦

諄高梁之淑媛兮東亮節而不移蘊貞專之奇志兮懷
婉嫕之殊姿襲綺綺之纈紛兮佩瑤琨之陸離申蘭茝
以充悵兮曳明月以為綦資盛時之姬媼兮潛幽宮以
自持俟鸞鳳之成言兮假惠風而鴻儀奉嬪則于萬族

兮荷樛木之蕤綏兮珪璋之兩美兮倡頌苑而同氣既
齊體而委身兮諒何嫌於詩非胡賦命之厄熾兮又天
路之遐昧曰之死而靡他兮塞中道而遂改無松栢之
峻茂兮同英芝之頓瘁悲伉儷之兩絕兮修形響之捐
背世洪忍而涸濁兮余獨好修之為害也援蒼天以為
正兮指皎日而申戒雖謠詠之譽予兮甘餐茶而不悔
旦余依乎懷帳兮夕余息于玄房屏藻飭之金翠兮捐
被服之華章申絃組以重結兮垂檐帷而蔽光琴瑟弛
而弗御兮薤澤絕而不揚何四節之疚心兮春與秋其
迴薄覽蕙若之曾敷兮淹梧楸之先落號失羣之羈雌
兮吸單棲之別鶴霜霏霏而集楹兮露漙漙而飄幕度
康寔而無人兮抄余生之何託神恍恍而若亡兮冀音
徽之有覩忽顙思而就枕兮晤話言之猶昔起攝帶以
周流兮悵然疑而徘徊孰微衷之可忖兮涕霑襟之汎
瀾豈同穴之悠期兮將闢地之為難願遺孤之吟吟兮
增纏綿而永歎耶屈心而忍志兮鏡女史而爐情憫伯

姬之待燭兮悼桓嬖之毀形嘉紀季之存祀兮惘杞妻
之頽城憤禮宗之絕命兮師班惠之揚名雖操行之不
同兮咸保已而金貞苟余心之無媿兮何必汶汶而捐
生嗟阮宗之為大兮竊致余之精誠潔俎豆於彤壺兮
植粉粹於園塋訓恭儉以貽則兮埃黃河之一清諒天
鑒之匪遐兮終勒駿而騰聲重曰從一而終女之操兮
婉彼淑媛惟義蹈兮聞汾山翳垂雨唯兮潔如圭璋莫
之缺兮矗如岷峨莫之折兮匪惟女儀實母則兮應像
作鏡貽相闡兮克昌厥後皇肇錫今天之報施信靡貳
兮

五言古詩

遊儂

我思忽不愜藐然隘中區凌山度瑤碣肅駕自雲衢
遊清都闕神姦吹我軀上帝垂藻旒羣后驂龍趨羨門
進僊藥王喬授玉書餐和鍊真魄精神遊六虛自握無
為寶年青安足虞

淮足紫沂海晞髮朝陽阿雲車載玉女皓齒揚清歌參
差麗霄漢玉轉隱相和駕言憩玄圃貽我瓊樹華光儀
忽以逝茲意成蹉跎岩岩閨風岑汎汎蒙汜波仙才諒
非偶浩歎將如何

燭龍銜奔景倏忽歸崦嵫思託浮丘子高舉乘雲轔
轔緝絳節旖旎馳騁芝旗朝遊崑崙丘夕泳弱水湄奇齡
等金石桑榆安足悲夸父為鄧林但為俗所嗤

山林非所託所思在神州寓目八紘外經過華池幽神

欽定四庫全書

卷一百一十八

八

光颯然至青鳥從我遊靈妃奉玉觴清謠自相酬歡娛
未終夕曜靈不可留山川變綿邈白雲良悠悠安得不
死藥千載復來求

長鯨鼓玄濤巨鼇戴崇嶽若華散餘暉照金銀殿流
鈴韵空歌瓊筵倏如霞飄飄一小問霞蹤杳難見顏齡
不可駐流景疾蜚電喟彼蓬萊舟傷哉栢梁宴誰能迴
日車常令鬢不變

淮南方好術矯志棲雲間金鉞汲素經寶鼎合神丹神

丹寶服食白日生飛翰永隨八公去翔翔戲天端志大
術良疎功成慮亦殫連蜷叢桂樹翩翩留空山徒聞脫
屣去不見乘鸞還

評懷

佳人入我夢華容渥如丹玉璫稱姣服揚辭吐馨蘭接
歡在須臾寤言阻河山坐惜朱華改空悲蕙草寒別離
不可處况乃玄律殫

肅肅高天鴻冥飛慕儔侶豈無疑寒思連翩自容與眷

欽定四庫全書

卷一百一十八

九

我平生懷梯航限河渚塊然守空堂伊人自豪舉攬桂
聊淹留折麻空延佇道遠多風霜歲晏多思慮光儀恒
不忘何異渴瓊樹

卽卽才人嫁為所養卒婦

淹浹辭玉墀含悽下瑤殿今日歎離居夙昔歡同輦蘭
蕙自有芳靡蕪固所賤浙浙西北風吹我秋田蓬夜夢
卽卽路不識卽卽宮王顏會銷歇君恩那得終

出郭十里望白雲

伊余霞外心夙協滄洲想芳春戒替朋青谿肅徂雨瀾
瀾清露薄英英白雲上旭日熹陽厓曠風散林莽棧道
既繁紆窺川亦沆瀣千呂氣多奇建木影殊狀涉雲脰
已捐覽勝心逾壯玄圃非冥設丹丘豈外象願躋凌風
翰永志山泉賞

僧歸亭故址望棲霞寺臨觀黃太史精舍

青丘未云陟磴道方遠迴烟霞迹以愴誰見化人開雕
甍翼雲外玄構隱巖隈中有蘊真士雅負凌雲才汲古

欽定四庫全書

題石山人稿
卷一

十

浩津梁蓄寶富玫瑰奇文蘆七略玄象正三階薄遊沂
水服屢舉河朔杯縉塵一以隔歲月緬悠哉空餘雲臥
地蕭颯松風來有懷諒難已願假征鴻裁

登白雲最高頂

靈嶽奠南溟鳳翼矯而躋上千燭斗樞下盤絕地理脩
阪饒蒼苔迴蹊蔭樛梓東觀極扶木西窺逼濛汜晨標
頽霞截夜氣白虹起玉樹發蔥青金潭耿清泚平生信
經奇茲山擅巨美圖史謾莫傳侔儻固難紀倘驂飛龍

遊長揖當途子

入白雲寺酌九泉

頓足雲外遊弭服雲中宇晨霞朗高木晴暉射孤嶼冷
冷山湫瓊湛湛觴浮羽層欄鉉金碧古瓦竄魍鼠撫迹
泯空有忘懷契賓主手揭留英贈目送飛鴻舉方諧驚
鶴蹤遽協濠梁矩齊物在斯辰憂生非遠慮

逝水簾洞過月溪寺

緣蹊路方漉尋異景屢延凝思矚幽巖朗詠逝長川青

欽定四庫全書

題石山人稿
卷一

十

蓮敞妙界壁月鑒華泉寶樹無重影金輪不復圓依稀
想臺榭出沒悵雲烟羽人絕髣髴員嶠徒空蒼歸寂竟
何感撫化彌泫然六龍倘可頓為我揮虞淵

鶴舒臺是安期上昇處

安期鍊玉液飛步凌紫霄空餘璇臺在千古鬱岩堯金
牀鎖靈穴碧樹數英翹鸞笙空縹緲鶴馭逍遙造物化
迹逾勝理愜境自超願弭雲中駕隨君揮碧寥

虎頭巖

松徑光未黯賞心詎云釋攬勝陟崇崖褰衣履危石雲
構方蒙茸乳竇正浙漚險逾呂梁壑嶄異天井壁仰接
驚猿棲俯視飛鳥迹綠帙畫常局升光夜逾絕香杳曠
烟生深深冬霰積功非夸娥掉奇假巨靈擘棲真事若
耕情爾飛鳬焉

送何子遜遊衡嶽

朱陵鬱佳麗真氣雄哉紛華芝翳鳳蓋空香飄鶴羣羽
衣何婀娜行逢魏元君手振金明草口誦青苔文玄言

欽定四庫全書

隸石山人稿

上

屢斲析刀圭時見分茲輪香難即迴身入青雲流鈴歌
未歇陵苔尚氤氲倘揖當途子相期凌紫氛

神阜鍾火德名嶽奠坤維豈伊瀟霍倚聰明諒在茲登
封表崇壇肅事展靈祇敬厓結衡宇迴阿蔭桂旗御雲
出如閭郎月流瑣扉玉童夜擊鼓祠官朝祝釐觸石散
膏壤生賢翊昌期理冥信莫測跡責良可窺寒余俗士
駕何時驂赤螭晨登峭嶮峯曠望彌赤縣炯服引貼丘
襟帶窮楚甸五峰鬱遊龍三湘皎澄練礪礪矯以度雲

霞揭而變尚想盧敖遊應茂海若見尚子願終畢伯昏
險可踐夙昔經奇心茲焉慰遐睎

始皇昔導江翻然感玄夷奇文鏤金簡天矯鸞鳳披靈
蹤閭草莽神功描無涯彼美昌黎子千秋乃來儀精誠
迪窮昊白日迴陰罪鏡厓紀大雅逸韻凌雲飛欽聖有
逸軌懷賢注遙思慎矣涉脩路歧爾璚樹枝

送何喬仲赴關

招搖有桂樹結根南海澗蒙龍度霜霰皎潔常不移以

欽定四庫全書

隸石山人稿

上

茲孤直性貢之白玉墀春風被蘭茝榮耀同一時雖有
艷陽質比君璚樹枝明堂備榱桷海寓瞻巍巍丹青洵
云美玄素豈所睨無言媚桃李幸得仰容輝

託養貢丘園深衷燭泉石乘流縱歸榜登山望飛翼揮
觴欣與同嘯咏忘斯夕詎云雲雨乖悵彼山川隔忘言
昔所歆投分貴不易龍蟄自有時誰能效沮洳

驅車燕趙郊道由介丘陽颿颿起蓬蓬陵谷晦蒼蒼津
梁浩千古誰能測幽冥我猶局一隅子今營四方翻飛

無勁翻寒步愧同行安得皎日惠願言希未光

羽檄起邊庭夜火沉秋柝六月猶出師連營亘沙漠難收瀚海功未極西山瘞丈夫徇國心安能處其薄努力宣令敵康屯運奇略御雲觀輪囷機槍見清廓馬多却走餘民有原衡樂王道喜清夷書生守藁藿

園居雜興

時雨滌芳園林臯薄暄煥微風捎池荷輕雲蔭修竹懷人倦寢興寥廓展遊鵬儵魚出深淵蜚鴻漸高木云胡限惟賞跬步成川陸琴心亂無緒樵歌斷復續緬彼濠上遊悵望清溪曲卜築倘有期從君執松竹

欽定四庫全書

陸石山人稿

五

冲懷寄林壑抱疴臥園廬詩書為我縛一畝成丘墟清晨具農笠命僕勤負鋤新畦灌靈藥舊埕環嘉蔬蘭生既盈畝豆熟亦滿車夜雨剪春韭清霜登紫萸朋來可觴咏安用烹神魚食力古所貴巢林誠足娛寄謝任公子持綸安所如

晨起齋中讀書

息躬衡門下遊好在六經丘中列萬木風起皆金聲山

林有珠觀耳目無遠營清晨屏荒翳曉從當前樞鳥耕思有歲熊經希養生遊心極固象頓足遊大庭曠士恒抱朴宵人若懷永或偶蘇門嘯覽返南陽耕龍蠖本殊性鷄鶩豈諧征茲樂庶不忘炯然垂丹青

辭家適燕薊迢迢遠行遊悵茲雲雨隔忽復寒暑逼人生寓瀛海安用懷百憂伊余困泥滓有志仍丹丘臨淵非釣國巢林殊鑿坏奔波異迴舳駭路過旋輶濠梁有逸矩算頗多清流仙夫杳難覲妖女徒好修去矣從所欲軒蓋誠多尤

欽定四庫全書

陸石山人稿

五

懷友詩

急景馳西汜悲風起寒陸眷言心所思緬邈林塘曲芙蓉為君衣薜荔為君屋山巔思采苓雲中乃抱犢我欲往從之道路阻且復安坐恒屢遷寤言復在目衾綢詎同御椒蘭徒盈握歲晚當歸來從君執松竹

送鄭中伯北上

扶南有奇士雅志無與儔班荆翳環堵被褐臥林丘手
披青琅玕引領睇神州美人馳已成逝將遠行遊閭閻
啓鴻運纓弁宣靈猷含我蓬門衣披君紫綺裘挈壺有
餘智揮刃無金牛軒車豈云晚邪逕安足留居人易生
思客子常苦憂跋爾涉要路知余懷阻修

征車何皇皇念子如駢服嚴霜被中野大氣淒以肅我
守衡門雌子騁高衢足望望登君門悠悠漸平陸獻賦
爭光輝夾鼓相馳逐朝同樓護遊暮就主父宿時俗徇

欽定四庫全書

卷一百一十五

五

異同明月襲魚目去矣慎所投慰我忘邁軸

同丁戊山人遊白雲寺

流觀逾炎嶽結賞自員嶠積陽照層崖凝陰豁林杪雲
構何厓屨乳竇自窈窕瀕洞出谷雲洲渟瑩神沼稍疲
暫憩石選勝益躋衣欄栢寄踐泥軒窻瞰深窅猛蕨發
鴻音寶輪晃餘照龕以曇花覆堦將慧草繞詎謂叔仄
餘遂成夷原燎林撓芝茵生瓦圻鼯鼯嘯金薤剝石幢
承藥遺丹銚患遠豈復招巫陽不可叫蕭晨命良儔蘭

觴展奇眺感茲玄運祖念爾冲規効闕河閤舟楫雲雨
乖言笑潜蚪媚煙霄冥鴻避矰繳勉敦谷口盟無貽北
山誚

二忠祠

二忠者副使陶公晟方伯陶公魯也父死節于
浙子建功于廣有司以事聞今兩省並祠焉

矯矯忠烈公英謀本天棊不謂錦繡腸乃竹干將器奮
力當休明朱戴始一試讞獄清單辭觸邪懾文吏陳臬

欽定四庫全書

卷一百一十五

五

正統初皇輿偶中潰寇阻括蒼陽江介潛魑魅帷幕已
拊髀詩書更謀帥公已深許國揮劍沒長孽連營赫組
練中堅擁旂旋受降已蟻附來蘇乃磨至詎意下齊功
更阻平吳志乘危出遠道孤軍陷死地可惜溫序亡竟
踵雒陽事委巷有啜泣壯士愈決背精誠感天關廟食
蘭湯溪巨榜經蛟龍穹碑負鼎負哲嗣播清塵鴻私永
敦貢良史應持書終古垂幽懿

方伯本慶源婉先樹勳烈騰驤在萬里早已見汗血剖

符古岡州遇事輒勇決冠弁日岌岌瑤遠昭晰授鉞
典名藩賜履徧海溼浸殲鯨鯢房掃檣枳舞千服
三苗回面靖百粵玉麟錫紛綸銅柱表載葉石建蓋恭
謹馮異功不說幽討從江門從容榜蘭柁憫溺屋山
蹈海憤始深左轄應未酬台階遂中折殊敷載盟府芳
猷被邦羞念功今神堯崇祠再昭揭秋風汗馬趨夜月
阜禽啖金貂綴惠文千秋見臣節

巫山高

欽定四庫全書

巫山山人集

六

巫山高不極遠望何芊芊靈林構鬱律神宇闕冲玄曳
雲翳白日興雨蒙層巔平瞻景夷館俯瞰雲夢田芳春
展遊豫弭節此山前精靈爾何感魂夢屢徂違晨鷄奏
天色環珮聲鏘然空山曠延佇掩涕方來旋人神道終
異歡愛難久延荒淫古有戒茲樂誠已偏惟有高唐賦
十載凌雲烟

擬庭前有奇樹

嘉樹媚朝陽枝葉正相當佳人御紈素攀條翫其芳春

彼從征人思心共飛揚昔期別三載今已歷九霜繁華
悅朝茂榮耀難久常願折三春輪一寄龍城傍不惜軒
車晚所畏道路長商聲感鳴鳩日暮愁紅粧

社中分詠要離

勾吳素趨悍願聞俠烈風咄哉要離子乃為萬夫雄怯
弱眾所哈伍胥明其忠鋒刃離所愛草芥捐微躬持茅
執幾殆入水術當窮奈何殞強敵天幸成此功求名固
已謬輕生誠鮮終乘舟媿范蠡首丘感梁鴻腐骨已蔓
草英氣猶長虹惟有興亡迹千秋悲角東

欽定四庫全書

巫山山人集

七

虞翻宅

城西有名刹云是仲翔園烟蘿日以翳堂隍無復存幽
林集異鳥曲沼羅芳蓀諫獵想奇節醉酒悼微愆懷瑜
爾何罪捐袂誠少恩才情豈不劬骨相故多屯瘴鄉有
逆旅江介滯遊魂抱獨索遐感談經思偉言運銷名詎
減身屈道彌尊惟有青蠅數千秋傷淪淪

天全所為大司馬鐵橋黃公作

西郭佳遊遊芳園萃森與脩竹映滄池潛虬動澗朗青

泛名軒蛟蜺降池肅閒敞遊神無近營寓目發遐想彼

美賁丘園振纓遂遵養冥飛速矰繳乘風適蒼莽若鳳

感先民為犧嘆哲匠塔爾非喪吾超然得神王景行屬

曠筵疏材荷甄獎豈伊平原惟况逾竹林賞願附扶搖

翰從容操几杖

粵洲玩梅亭得世字

翠嶼叱朝霞青蹊屏氛翳藻構鬱岩亭青陽條開霽萬

欽定四庫全書

嶺南山人稿

五

物正芒芒見此孤根麗疎影帶欄檻寒花遠庭砌點素

煥星懸凝英爛珠綴入室擬幽蘭留人比叢桂寒芳慰

幽獨懷玉期貞勵遊目悟先幾忘言獲真諦一謝塵滓

遊逍遙人間世

玉虹澗得日字

碧澗疏遙岑瑤光瀉晴日束石乍縈迴銜厓轉泌瀉清

聲散竿籟靜聽調琴瑟分流雖究萬汭始乃歸一幽討

託真源汲古懷脩編習坎浩自盈到海功始畢

贈陳詒州

韶石款南岳肆水滙東溟巖鎮俟良牧疲人紆聖情推

轅允明茂之子揚德聲豹變蔚文采鳳儀叶咸英淵冲

恒若谷溫裕式如璫淮陽本卧治華陰更傳經匪惟惇

化穆實以心源清三年報邦政萬里尊遐征衡茅惠高

蓋疲茶媿逢迎雲螭不可弭免藻馳我誠所冀隆弘美

王道今休明

送丁茂山人遊羅浮

欽定四庫全書

嶺南山人稿

五

遠遊豈不羨逼此區中情願得鴻鸞翮乘之以遐征詰

朝飾羽蓋嬉遊至層城陰室啟耀真陽宮豁朱明俯盼

列川岳仰視燦日星朝攀瑤樹枝夕采瑤草榮外觀豈

足慕所貴能遺形紆園演漾懷馳我免藻誠臨風不得

並望美空屏營

瑤臺峙十仞丹霞蔽朝陽上有青琅玕下有孤鳳凰來

自君子國五色綯采章所咏非腥腐所營非稻粱我願

偕此鳥邈彼靈風翔一舉軼宕冥再舉周圓方崑丘羅